



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

კაჭრეთის გორასამარხები

კაჭრეთის გორასამარხები, არქეოლოგიური ძეგლი. ერთი მათგანი მდებარეობს გურჯაანი-თბილისის საავტომობილო გზის სამხრეთით 200 მ-ზე, ხევში. განეკუთვნება ძვ. წ. III ათასწლეულის I ნახევარს. აღმოჩნდა სარწყავი არხის გაყვანის დროს. 1979 კ. გ. შეისნავლა ივ. ჯავახიშვილის სახ. ისტორიის, არქეოლოგიისა და ეთნოგრაფიის ინ-ტის კახეთის არქეოლოგიურმა ექსპედიციამ (ხელმძღვ. კ. ფიცხელაური).

სამაროვნის ყრილი (დიამეტრი - 20 მ, სიმაღლე - 1,50 მ) შედგებოდა სამ. ზომის ქვებისგან. ყრილის ქვეშ, ცენტრ. ნაწილში, აღმოჩნდა წრიული ორმო (დიამეტრი - 3 მ, სიღრმე - 0,2-0,3 მ), რ-ის იატაკს წრიულადვე ერტყა ქვითა და მიწით ამოვსებული არხი (სიგრძე - 0,2 მ, სიღრმე - 0,35 მ). სამარხი ორმოს აღმ-ით, 15-20 სმ-ით შემაღლებულ ადგილზე აღმოჩნდა წვრილფეხა საქონლის 5 თავის ქალა. სამარხის მთელ ფართობზე მიმოფანტული იყო 12 ადამიანის ძვლები. ცენტრ. ნაწილში კიდურებმოხრილი მიცვალებული დაკრძალული იყო მარცხენა გვერდზე, თავით ჩრდ-კენ. სამარხში აღმოჩნდა ოცამდე სილანარევი თიხით ნაძერწი, კარგად გამომწვარი, მოყვითალო, მონაცრისფრო ან მონაბლისფრო ჭურჭელი, ზოგან მურის მუქი ლაქებით. ჭურჭელს შორის გვხვდება ცილინდრულყელიანი თუნგულები, ერთი კონუსურკოპიანი ჯამი, ერთიც ჰორიზონტალურშვერილიანი ბადია.

მეორე გორასამარხი რკინიგზის სადგურის ჩრდ-ით მდებარეობს და განეკუთვნება ძვ. წ. II ათასწლეულის I ნახევრის დასასრულს. იგი 1978 გაითხარა იმავე ექსპედიციის (ხელმძღვ. ვ. ვარაზაშვილი) მიერ. სამარხი დაზიანებული იყო. მსხვილი რიყის ქვის ყრილის (დიამეტრი - 10 მ, სიმაღლე - 0,8 მ) ცენტრ. ნაწილის ქვეშ აღმოჩნდა ოვალური მოყვანილობის, დასიდან აღმ-კენ დამხრობილი სამარხი ორმო (სიგრძე - 2,10 მ; სიგანე -

1,70 მ, სიღრმე – 1 მ). კიდურებმოხრილი მიცვალებული ესვენა ორმოს ცენტრ. ნაწილში მარჯვენა გვერდზე, თავით დასკენ. იქვე გამოვლინდა ცხვრის მთლიანი ჩონჩხი, წვრილფეხა საქონლის კიდურები და ხელით ნაძერწი თიხის 7 ჭურჭელი. მერვე ჭურჭელი იდო მიცვალებულის მუხლებთან. თავის ქალის უკან აღმოჩნდა ბრინჯაოს ყუნწგახვრეტილი, პირზე ქედიანი სატევარი.

სამარხში გამოვლენილ კერამიკაში იყო მორუხო-მოყავისფრო, ოდნავ პირგადაშლილი, დაბალყელიანი, კვერცხის ფორმის ქილა, ქილის პირისა და მხრის ფრაგმენტები. ერთი ქილა დამზადებულია უხეში სილანარევი, მეორე – სილანარევი მკვრივი თიხით. სამარხში აღმოჩენილია აგრეთვე შავპრიალა, ფოსოთი შემკული ცალყურა და მოყავისფრო-მოვარდისფრო, ოდნავ პირმოყრილი სასმისები, ასიმეტრიული 2 ქოთანის და 2 კოჭობი. მათ მონათლო ფხვიერი კეცი, ოდნავ გადაშლილი პირი, დაბალი ყელი და თითქმის სწორი გვერდები აქვთ. ქოთნებს და კოჭობებს ყელის ძირში ოდნავ რელიეფური წყვეტილი ნიბო შემოუყვება. ერთ კოჭობს ასეთი ნიბო მუცლის ზედა ნაწილზეც აქვს შემოვლებული.

ორმოსამარხის ყრილის ცენტრ. ნაწილის ქვეშ, ორმოს ფსკერიდან 0,8 მ-ის სიმაღლეზე, ჩანაყარ ქვაზე დასვენებული იყო მიცვალებული. ორივე სამარხის მასალა ინახება საქართვ. ეროვნ. მუზეუმის გურჯაანის ისტ.-ეთნოგრ. საცავში.

ლიტ.: ბ უ ჩ უ კ უ რ ი ნ., კატრეთის ძვ. ნ. III ათასწლეულის დასასრულის გორასამარხი, კრ.: არქეოლოგიური ძიებანი (ახალგაზრდა მკვლევართა IV და V სამეცნიერო სესიის მასალები), თბ., 1985; ვ ა რ ა ზ ა შ ვ ი ლ ი ვ., ძველი წელთაღრიცხვის III ათასწლეულის I ნახევრის გორასამარხი კატრეთიდან, წგ.: საქართველოს ისტორიისა და კულტურის ძეგლთა აღწერილობა [ტ.] 1-1, თბ., 2013; რ უ ს ი შ ვ ი ლ ი რ., კატრეთის ძვ. ნ. II ათასწლეულის პირველი ნახევრის გორასამარხი, იქვე; П и ц х е л а у რ ი К. Н., Новые находки Кахетской археологической экспедиции, კრ.: Полевые археологические исследования в 1978 году, Тб., 1981.

რ. რუსიშვილი
